

Namminersorlutik Oqartussat ingerlataanni errorsinermut qaqorsaait aammalu kingunerutit taamaallaat avatangiisinut innarliisuunngitsunik nalunaaqutsikkanik aammalu tipigissaateqanngitsunik atuilernissaat pillugu Naalackersuisut peqquneqarnissaannik Inatsisartut aalajangiiffigisassaattut siunnersuut. Tamatuma ilutigisaanik inoqutigiinnut inuiaqatigiit errorsinermut qaqorsaatinik aammalu kingunerutit avatangiisinut innarliisinnaasunik atuinerisa millisinnissaat anguniarlugu Naalackersuisut paasititsiniaanermik ingerlataqarnissaannik peqquneqassapput.
(Inatsisartuni ilaasortaqaq Sofia Geisler, Inuit Ataqatigiit)

Akissuteqaat

(Naalackersuisut Siulittaasuat)

Siullermeenera

Naalackersuisut sinnerlugit Inatsisartuni ilaasortaqaq Sofia Geisler, Inuit Ataqatigiit, aalajangiiffigisassatut siunnersuuteqarneranut qutsavigaara. Qanoq iliorluta errorsinermut qaqorsaait kingunerutillu, ulluinnarni sullissivinni inoqutigiinnilu atorpeqartut killilersinnaanerlutigit aallussinissarput pitsaasuussaaq.

Naalackersuisuniit pinngortitamik immamilu avatangiisinik illersuinissaq pingaartittorujussuuarput. Nunatsinni akuutissat atorlugit imeq errortuutikoq salinneqartanngimmat, akuutissat ulluinnarni qanoq atortarnerigut eqqumaffigisallugu pingaaruteqartorujussuuvoq.

Aalajangiiffigisassatut siunnersuummi allaaserineqartutut errorsinermut qaqorsaatinik avatangiisinut mingutsitsinngitsutut nalunaaqutsikkanik tipigissaatitaqanngitsunik atuneq avatangiisinut peqqissutsimullu iluaqutaavoq. Tamatuma peqatigisaanik kingunerutinik atuinissaq amerlanertigut pisariaqarneq ajorpoq.

Pineqartumi tassani paasititsiniaanermik suliaqarnitsinni angusaqarluassasugut Naalackersuisut isumaqarput. Imeq kalkeqanngingajammat kingunerutinik atuinissaq pisariaqanngitsoq kikkut tamarmik ilisimalertariaqarpaat. Aamma errorsinermut qaqorsaait kingunerutillu tipigissaatinik, qaallorissaatinik asiunaveersaatinillu akoqarnerat atisat ipeerunnissaannut isumaqanngimmat, akerlianilli sapingaqalersitsisinnaammata amerlutsitsilersinnaallutillu kikkut tamarmik nalinginnaasumik ilisimalertariaqarpaat. Taamaattumik Naalackersuisut Pinngortitap Paarsisui pillugit paasititsiniaanerini ingerlasumi errorsinermut qaqorsaait kingunerutillu aallunneqartunut ilaatinneqassapput. Paasititsiniaanermi tamatta – paasititsiniaanermi pinngortitap paarsisui assigalugit – qanoq iliorluta pinngortitaq ulluinnarni paarisinnaaneripput oqariartuutigineqarpoq.

Aamma Namminersorlutik Oqartussat sullissiviisa kommunillu sullissiviisa errorsinermut qaqorsaatinik kingunerutinillu toqqaanissamik atuinissamillu ilisimaarinnilernissaat Naalackersuisut sulissutigerusuppaat. Namminersorlutik Oqartussat pisiniartarnernut kaajallaasitaat pineqartunik pisiniarnissamut piumasaqaatinik imaqanngilaq. Kaajallaasitaq annertuunik pisiniarnissamut tunngasuvoq, aammalu taamaallaat Namminersorlutik Oqartussat qitiusumik allaffeqarfiannut aamma Namminersorlutik Oqartussat ataanni sullissivinnut atuutsinneqarluni. 2012-imili qitiusumik allaffeqarfimmi eqqiaasarnermut

neqerooruteqartitsisarnerni eqqiaanermut atortut tamarmik avatangiisinut mingutsitsisinnaannginnissaat tipigissaatitaqannginnissaallu piumasaqaatigineqalerpoq.

Sullissiviit errorsinermut qaqorsaatinik kingunerutinillu atuinissamut pitsaanerpaamik sunnerneqassappata, tamanna paasititsiniaanikkut kaammattuinnikkullu pissasoq, aammalu pisiniartarnermut politikimi immikkut piumasaqaateqarneq atorneqassanngitsaq Naalakkersuisut isumaqarput. Taamaattumik sullissiviit avatangiisit peqqissuserlu eqqarsaatigalugit pitsaanerpaanik aalajangiisarnissaat pillugu pisariaqartunik paasissutissinneqartarnissaat Naalakkersuisut tungaanniit qulakkeerusupparput. Tamatuma peqatigisaanik Naalakkersuisut Namminersorlutik Oqartussat sullissiviini kommuninilu errorsinermut qaqorsaatinik kingunerutinillu, avatangiisinut mingutsitsinngitsutut nalunaaqutsikkanik tipigissaatitaqanngitsunillu atuinissamut kaammattuinnertik ingerlatiinnassavaat. Kommunit qujanartumik pineqartoq eqqumaffigereerpaat, taamatullu peqqinnissaqarfik eqqiaanermi atortunik, avatangiisinik mingutsitsinngitsutut nalunaaqutsikkanik ajornartinnagu atuisuuvoq.

Tamanna tunngavigalugu Naalakkersuisut allannguutissatut siunnersuummik imaattumik saqqummiussipput:

”Naalakkersuisut errorsinermut qaqorsaatinik kingunerutinillu atuneq pillugu paasititsiniaanissamut ilagitillugu errorsinermut qaqorsaatinik kingunerutinillu avatangiisinut mingutsitsinngitsutut nalunaaqutsikkanik tipigissaatitaqanngitsunillu atuinissamut Namminersorlutik Oqartussat sullissiviinut kommuninullu kaammattuinnissamut peqquneqarnissaannik Inatsisartuni aalajangiiffigisassatut siunnersuut.”